

ԿՐՈՆԱԿԱՆ

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ ՄԻՒՌՈՆԾՈՒԹԵԱՆ ԱՌԻԹՈՎ

(Մայր Արոռ Սուրբ Էջմիածին, 28 Սեպտեմբեր, 2008թ.)

Յանուն Հօր եւ Որդուոյ եւ Հոգւոյն Սրբոյ. ամէն:

«Կը պատրաստես Սույր օծութեան համար իւղ...»
«Դա սրբութիւն է եւ մեզ համար սրբութիւն էլ բող մնայ»
(Ելից Լ. 25, 32)

Սիրելի ուխտաւոր քարեպաշտ
Ժողովուրդ,
Երկնելի քարձունեներից այսօր
վերստին սրբութիւն է իշնում, օրինու-
թիւն, շնորհ եւ խնդութիւն է քաշխում
մեր Հայրենիքին, մեր հոգիներին, հա-
մայն հայ կեանքին: Մայր Արոռ Սուրբ
Էջմիածնում ազգիս աշխարհասփիւն
զաւակների աղօրական մասնակցու-
թեամբ Տէրունապատուէր խօսի հա-
մաձայն միւռոն ենք օրինում: Փառք,
բիւր փառք եւ գոհութիւն Ամենախնամ
Աստծուն:

Աստծոյ քարերար կամքով է, որ
Վարագայ Սուրբ Խաչի տօնական օրը
խնդագին հոգիներով սրբալոյս միւ-
ռոնի օրինութեան համար համախմբուել
ենք Միածնակէ մեր սրբավայրում, որը
երկնային լոյսերով անվախնան ժամա-
նակների համար ճարտարագծուել է
որպէս մեր ժողովորդի հաւատոյի վկայա-
րան եւ ուխտի խորան: Դարեր ի վեր
ուխտաւոր հոգինով առաջնորդուելով
այստեղ՝ ազգս հայոց զօրանում ու
նորոգում է հաւատով, տեսնում յա-
ւերժութեան իր լուսանեմ ուղին, դէպի
փրկութիւն, դէպի Աստուած իր ճանա-
պարհը: «Զի սա լուսաւորէ զմեզ հաւա-
տով - բուսուցանէ ի Տանն Աստուածոյ:
... զի սա նորոգէ զմեզ շնորհօֆ Հոգւոյն
Սրբոյ եւ սնուցանէ եւ պաղաքերէ եւ
դալարի պահէ» (Միմէնն Երեւանցի

Կարողիկոս): Սուրբ Էջմիածնի աստուա-
ծապարգել հոգեսնունդ այս առաքելու-
թիւնը Սուրբ Գրիգոր մեր Լուսաւորիչ
Հայրապետի ժամանակներից սուրբ միւ-
ռոնով սփուռում եւ քաշխում է մեր
եկեղեցներին, մեր օճախներին, աշ-
խարհասփիւն հայ կեանքին:

Միւռոնօրինութեան այս շնորհա-
նորոգ օրը մեր Արարչի հետ հաշտու-
թեան խորհրդանիշ միրենու նիւղի
քերթին խառնեցինք բնութեան ամենից
ազնիւ, բուժիչ եւ բուրումնաւէտ հիւ-
թերը: Այս արդար նիւթին միա-
խառնեցինք հին միւռոնը, որով սերբ-
դէ սերունդ փոխանցում ենք մեր Տիրոջ
օրինած իւղը, խառնեցինք եւ նորաեփ
միւռոնը Մեծի Տանն Կիլիկիոյ Կարողի-
կոսութեան: Օրինեցինք մեր նուիրական
մասունեներով՝ Տէրունական փրկարար
Խաչով, Սուրբ Գեղարդով, Աջով մեր
Լուսաւորիչ Հայրապետի: Մեր հոգու
ամենաշերմ աղօրէներով հայցեցինք
քարեխոսութիւնը մեր սուրբ հայրերի,
որպէսզի նորօրինեալ միւռոնը Սուրբ
Հոգու ներգործութեամբ դառնայ «կնիք
երկնաւոր անապականութեան», երկնա-
յին եօթնարփեայ շնորհները քաշխի մեր
կեանքին եւ ինչպէս Աստուած է տնօրի-
նել՝ լինի ու միշտ մնայ սրբութիւն
մեզ եւ բոլորի համար: Այսօր նիւթը
Սուրբ Հոգու երկնայեղ շնորհներով
սիանչելագործ զօրութիւն է ստանում,

այսօր նիւթը հայցով ու աղօքով բանական ու շնչաւոր է դառնում. «Երգուեցնում եմ ինք, նիւթ ձերի, յանուն Ամենակարող Հօր, ... որպէսզի ամէն ներգործութիւն սատանայի եւ զօրութիւն նրա ժեզանից հալածեալ լինի, որպէսզի օրինութեամբ զօրանաս՝ ժեզանով օծեալին դրոշմելու Սուրբ Հոգին՝ յանուն Ամենակարող Հօր եւ Որդու, մեր Տէր Յիսուս Քրիստոսի» (Կանոն միւռնի օրինութեան):

Աստուծոյ բարերար Կամքով սուրբ եւ սրբարար է միւռնը: Լուսանիւթ, անուշարոյր միւռնով սրբում են եկեղեցիները, դառնում՝ Աստծոյ տուն: Միւռնով օծուելով՝ եկեղեցականները կոչւում են Տիրոջ Սուրբ Սեղանի սպասաւորութեան: Շնորհակիր եւ շնորհարաշխ միւռնով մկրտութեան աւագանից ծնւում են որպէս Աստծոյ սեփական ժողովուրդ, որպէս Հայ Առաքելական Սուրբ Եկեղեցի: Սուրբ միւռնի դրոշմով նանաչում, ապրում, զգում եւ պահպանում են մեր հայ եւ քրիստոնեայ լինելութիւնը, մեր ազգային ամրողականութիւնը: Միւռնայրոշմ յաղբել են վասն հաւատի վասն հայրենաց կենաց եւ մահու մեր բոլոր պատերազմները, մեր գոյութեան եւ լինելութեան բոլոր մարտերը: Միւռնի գօրութեամբ ու լոյսով միաւորել եւ միաւորում են մեր անցեալը, ներկան եւ մեր զաւակների ապագան:

Միւռնօրհնութիւնը, սիրելի հայորդիներ, կոչ է եւ հրաւեր ազգին՝ մնալու սրբութեան շնորհի մէջ, մերժելու չարը ու չարի գործերը եւ մեր կեանում անստուեր պահպանելու Տիրոջ Աւետարանի լոյսը: Միւռնօրհնութիւնը պատգամ է ապրելու Քրիստոսով, ընթանալու Քրիստոսի հետ, ժանզի սուրբ միւռնով ի Քրիստոս մկրտուած Քրիստոսով հանդերժաւորուեցին (Խմտ. Գաղ. Գ 27): Տիրոջ հետ, տէրունապարգեւ սիրով միայն պիտի գերակայեն մեր կեանում բարութիւնն ու

արդարութիւնը, մեր սրտերի մէջ անսասան ու անրիծ պիտի մնայ մեր հայրերի սուրբ հաւատքը եւ մեր ուղին լինի րազմարդիւն ու բարեյոյս:

Այսօր մենք Հայրապետ հայոց, ժաշալեր ենք ու լաւատես, լի՝ ապագայի յոյսերով, ժանզի Հայաստան եւ Արցախ մեր հայրենի աշխարհում, վերազարթօնք ապրող մեր Եկեղեցու մէջ, մեր անկախ պետական կեանեում, բայց մանաւանդ մեր ժողովրդի առողջ ներշնչարհում մենք զգում եւ տեսնում ենք արքանացող եւ հասունացող կամքն ու պահանջը մաքրուելու, սրբուելու, արդար հասարակութիւն եւ պետութիւն կառուցելու: Տեսնում ենք կամքն ու պահանջը ամոնելու ազգային վերմերը, յաղքահարելու եկեղեցական մեր կեանի դժուարութիւնները, ժամանակի բերած բաժանումներն ու տարակարծութիւնները, որպէսզի հայոց անդատանում միշտ եւ առյաւէտ լինենք մէկ եւ միասնական՝ մէկ ազգ, մէկ հաւատք, մէկ Եկեղեցի՝ միասնական Հայրենիքով եւ միակամ ու միախորհուրդ ընթանանք դէպի նոր ճեռքբերումներ, մեր արդար իդաբերի ու արժանի նպատակների իրագործման Աստուծոյ կողմից նախանամուած բարի հանգրուաններ:

Լաւատես ենք ու ժաշալար Աստուծոյ՝ ազգիս պարգևեած բարիններից, աշխարհասփիւո հայ կեանքի մէջ պտղաբերող բարի գործերից, իրականութիւն դարձող ծրագրերից, որ ծառայում են մեր ժողովրդի բարօրութեանը, մեր Հայրենիքի բարգաւանումին, մեր Սուրբ Եկեղեցու պայծառութեանը: Միաւորենք ու զօրացնենք մեր շանեները, որ հայրենի մեր երկիրը ծաղկունք ապրի աստուածաշնորհ խաղաղութեան ու ազատութեան մէջ եւ հզօրանայ տիրաւանդ նշմարիտ սիրով, իր զաւակների նուիրումով, տաղանդով ու արարումով: Խնամք տանենք ու հոգանք, որպէսզի մեր աշխարհասփիւո Եկեղեցին միշտ պայծառ լինի նախանաց աւանդով ու կարգաւորութեամբ,

էջմիածնակնիք հայ հոգուն հաւատարիմ աստուածասէր ժողովրդով։ Թող լուսեղէն միւռոնի ազգահաւաք հրաշագործ գօրութեան շնորհներով արգասաւորուի միուրիւնն ու մէկ առաքելութիւնը մեր Սուրբ Եկեղեցու եւ միաբանութիւնը մեր ժողովրդի։

Միւռոնօրինութեան այս սրբազն օրը, սիրելի բարեպաշտ հաւատացեալներ, հոգու հայեացքով վերստին տեսնենք մեր Տիրոջ էջքը հրեշտակների զօրքերի հետ, ոսկէ մուրնի հարուածով անդնդային ուժերի կործանումը, տեսնենք երկնանման խորանից աղրիւրացող կենդանարար չըերով համատարած ողողումը Հայոց աշխարհի, որը Լուսաւորչատեսիլ պատկերն է մեր ժողովրդի մկրտութեան, Ս. Հոգով վերըստին ծննդի, եւ զօրանանք հոգով, տոգորուենք նոր յոյսերով, վերածնուող կեանքի նոր զարքօնքով։

Ժողովուրդ հայոց, ժողովուրդ շնորհնեկալ եւ յաղքական, որ դարեղար ապրածի կեանքով, սիրալի վկայութիւններով հաւատարիմ ես Ս. էջմիածնով Աստծոյ հետ հաստատած ուխտիդ, հանապազ նորոգուիր հաւատով, պայծառացիր եկեղեցաշէն եւ հայրենանուէր գործոց արդար ու քարի արգասիններով, որ Աստծոյ օրինութեան ներքոյ յաւէրծ անսասան մնայ Քրիստոսապսակ Մայր Արոռ Սուրբ էջմիածնինը, միշտ ապրի ազատ ու ինքնիշխան, Արարատով յաւէրծ բազադրեալ մեր հայրենիքը, եւ հայ կեանքը լոյսով նայի գալիքին։

Այս մաղթանքով եւ զգացումներով ողջունում ենք այստեղ ներկայութիւնը Հայաստանի Հանրապետութեան նախագահ Տիար Սերժ Սարգսեանի, Լեռնային Ղարաբաղի Հանրապետութեան նախագահ Տիար Բակո Սահակեանի, հայոց պետական աւագանու, մաղթելով յաջողութիւններ վասն Հայաստանի եւ Արցախի առաջնորդացի, վասն Արցախի մեր ժողովրդի ազատապետ արդար իրաւունքի։

Ի Քրիստոս սիրոյ եղբայրական

ողջոյն ենք յղում նուիրապետական մեր Արոռների Գահակալներին Ն.Ա.Օ.Ս.Ս. Արամ Ա Մեծի Տանն Կիլիկիոյ Կարողիկոսին, Երուսաղէմի Հայոց Պատրիարք Ամենապատի Տ. Թորգում Արքեպիսկոպոս Մանուկեանին եւ Կոստանդնուպոլսի Հայոց Պատրիարք Ամենապատի Տ. Մեսրոպ Արքեպիսկոպոս Մութաֆեանին՝ հայցելով իրենց կեանքին Տիրոջ օրինութիւնն ու զօրակցութիւնը։

Ուրախ ենք մեր ժողովրդի համար նուիրական այս օրը Սուրբ էջմիածնում ողջունելու հոգեւոր մեր եղորդը՝ նորին Ամենասրբութիւն Բարդուղիմէոս Ա Տիեզերական Պատրիարքին, հայցելով Տիրոջ հովանին բարեպաշտ իր հօտին։

Ի Քրիստոս սիրոյ մեր ողջոյնն ենք բերում նաև Տոյր Եկեղեցիների շնորհազարդ հոգեւորականներին, Հայաստանի Հանրապետութիւնում հաւատարմագրուած դեսպաններին, օտարերկրեայ պետական եւ հասարակական կազմակերպութիւնների ներկայացուցիչներին՝ մաղթանքով Տիրոջ հանապազ առաջնորդութիւնը իրենց առաքելութեանը։

Հայրական օրինութեամբ ողջունում ենք մեր Եկեղեցու Թեմակալ Առաջնորդներին, թեմական եւ համայնքային վարչական մարմինների պատւարժան անդամներին, ուխտապահ Եկեղեցականաց ողջ դասին, ձեզ, ուխտաւոր զաւակներ մեր, եւ համայն հաւատացեալ մեր ժողովրդին՝ ի Հայաստան, յԱրցախ եւ ի Սփիւռ։

Հայցենք միասնարար, որ Բարձրագուալը խաղաղութիւն պարգեւի աշխարհին, իր շնորհի ներքոյ խաղաղ պահի մեր հայրենիքը եւ ապահով ու անվրդով՝ մեր ժողովրդին ի սփիւռ աշխարհի։

Թող նորօրինեալ միւռոնը, ինչպէս Աստուած է տնօրինել՝ լինի ու միշտ մնայ սրբութիւն մեզ եւ բոլորի համար. ամէն։